

ժառանգում «Հայաստանի հանքային աղբյուրները» շատ կարևոր մենագրությունը: Լ. Հովհաննիսյանի կողմից ղեկավարված հանձնաժողովի անխնայ աշխատանքների շնորհիվ 1925 թ. հիմնադրվում է «Արզնի» սոսոցիալական՝ սրտաբանական կուրորտոլոգիայի այդ կարևոր կենտրոնը:

Անդնահատելի է Լ. Հովհաննիսյանի գաղափարային հայրենասիրական պատմության գիտական ուսումնասիրման բնագավառում: Բավական է նշել, որ դեռևս 1913 թ. նա Կովկասյան բժշկական ընկերության նիստում զննելիք է այդ մասին, իսկ 1928 թ. լույս է բնծայել՝ արժեքավոր մենագրություն: Սակայն Լ. Հովհաննիսյանի խոշոր առաջնորդը և շատ հարուստ գիտելիքները ամփոփվել են իր կապիտալ աշխատության՝ «Հայ բժշկության պատմության» հինգ հատորյակի մեջ: Որոշ լույս է տեսել 1946—1947 թթ.: Հայկական ՍՍԽ գիտությունների ակադեմիայի հայ բժշկության և կենսաբանության պատմության սեկտորը ակադեմիոր գիտնականի և իր աշխատակիցների համար լայն հնարավորություններ է ստեղծում ուսումնասիրելու հայ բժշկության հարուստ ժառանգությունը և այն դարձնելու համաշխարհային գիտության սեփականությունը: Այդ խոշոր աշխատանքները բարձր գնահատական են ստանում, և Լ. Հովհաննիսյանը 1962 թ. բնորոշվում է Բժշկագիտության պատմության նորաստեղծ միջազգային ակադեմիայի իսկական անդամ:

Մեծ են Լ. Հովհաննիսյանի ծառայությունները Հայաստանում սրտաբանության զարգացման գործում: Նրա հետազոտությունները սրտային

աղմուկների և ներոզների խնդրում ստացել են համընդհանուր նշանաչում: Նրա ղեկավարությամբ Հայկական ՍՍԽ գիտությունների ակադեմիայի ցանցում ստեղծվում է սրտաբանության սեկտոր, որը 1961 թ. վեր է ածվում ինքնուրույն ինստիտուտի՝ սրտաբանության և սրտի վիրաբուժության ինստիտուտի: Այդ կարեւոր գիտական ոչախի ստեղծումը, որի հետագա զարգացումը Լ. Հովհաննիսյանը հանձնեց երիտասարդ և եռանդուն գիտնականների, նոր զլուխ բաց արեց Հայաստանի բժշկագիտության պատմության մեջ:

Լ. Հովհաննիսյանի հեղինակությամբ լույս են տեսել ամբիջի բանի 170 գիտական աշխատություններ, որոնց թվում ամբիջի բան 20 մենագրություններ և մի շարք դասագրքեր: Նրա ծառայությունները հանրապետությունում բժշկական գիտական և մանկավարժական կադրերի պատրաստման, բժշկական գրականության, տեղի բնակչության և բնակավայրերի պատմության և զարգացման, բժշկագիտական ընկերությունների կազմակերպման, հայ բժշկական մշակույթի տարածման գործում լավագույն գրավական են՝ գնահատելու նրան որպես ակադեմիոր սովետական բժշկի, խոշոր գիտնականի ու մանկավարժի, հասարակական և մշակութային եռանդուն գործչի:

Թանկագին հորեկյարին՝ մեծավաստակ գիտնականին ու բյուրեղյա մարդուն ցանկանում ենք բաշտողությամբ, երկար կյանք, հետագա հաջողություններ, բեղմնավոր գործունեություն և նոր գիտական նվաճումներ:

Չ. ԳՈՒԱՐՋՅԱՆ

ՀՈՐԵԼՅԱՆԱԿՆ ԵՐԵԿՈ

1965 թ. հունվարի 29-ին ՀՍՍԽ գիտությունների ակադեմիայում տեղի ունեցավ հորեկյանական երեկո՝ նվիրված Փիլիսոփայության և իրավունքի սեկտորի ավագ գիտաշխատող, փիլիսոփայական գիտությունների դոկտոր Վազգեն Կառապետի Չալոյանի ծննդյան 60 և գիտական գործունեության 35-ամյակին: Գիտնականի կյանքի և գործունեության մասին զեկուցեց փիլիսոփայական գիտությունների թեկնածու Ա. Թևոսյանը:

Վ. Չալոյանը հանդիսանում է Սովետական Հայաստանի փիլիսոփայական-հաղափարական բնագավառի ավագ սերնդի ճանաչված ղեկավարից մեկը: Այդ ասպարեզը մտնելով դեռևս 30-ական թվականներին, նա եռանդուն կերպով

զբաղվում է մանկավարժական և գիտական գործունեությամբ:

Վ. Չալոյանը ծնվել է 1905 թ. Ալեքսանդրապոլում (Լենինական): Սկզբնական կրթությունն ստացել է ծննդավայրում: Ավարտելով Երևանի Արտիկանի անվան դպրոցը, 1923 թ. նա ընդունվում է պետական համալսարանի հասարակական գիտությունների ֆակուլտետ, որը հաջողությամբ ավարտում է 1926 թ.: Մինչև 1930 թ. զբաղվում է մանկավարժական գործունեությամբ: Այնուհետև կարգում է գիտելիքի կազմակերպչական և պատմական մատերիալիզմի կուրս բժշկական ինստիտուտում և Երևանի պետական համալսարանում: Գաղափարական աշխատանքին զուգահեռ, 1930—34 թթ. նա միաժամա-

նաև վարում է կերպարվեստի պատմության և գրականության թանգարանի գիրկետորի պաշտոնը: 1934 թ. ընդունվում է Մոսկվայի պատմա-փիլիսոփայական ինստիտուտին կից ասպիրանտուրան՝ փիլիսոփայության պատմության գծով, որն ավարտում է 1935 թ.:

1938 թ. Վ. Չալոյանն ընդունվում է աշխատանքի ՍՍՌՄ գիտությունների ակադեմիայի հայկական ֆիլիալի պատմության ինստիտուտում: Սկսելով իր գործունեությունը կրտսեր դիտաշրատողից, նա, առաջինը Հայաստանում, հասել է փիլիսոփայական գիտությունների դոկտորի կոչման:

Ակադեմիայում գիտական ասպարեզ մտնելու առաջին իսկ օրերից Վ. Չալոյանը կողմնորոշվում է դեպի հայ ժողովրդի փիլիսոփայական մտքի պատմության ուսումնասիրությունը: Արդեն 25 տարուց ավելի է, ինչ նա ջանք, եռանդ ու ուժ չի խնայում վեր հանելու և արժեքավորելու հայ բազմադարյան փիլիսոփայական մտքի հարուստ ժառանգությունը:

Բազմաթիվ են Վ. Չալոյանի գրչին պատկանող ուսումնասիրությունները: Նրա անդրանիկ աշխատությունը նվիրված էր V դարի հայ նշանավոր մտածող Նզնիկ Կողբացու փիլիսոփայական հայացքների քննությանը: Նրա մյուս աշխատության մեջ տրված է հայ փիլիսոփայական մտքի ականավոր ներկայացուցիչ Դավիթ Անհաղթի փիլիսոփայական ուսմունքի ռենդադատական վերլուծությունը:

Իր բազմամյա հետազոտությունները Վ. Չալոյանը ամփոփում է «Հայ փիլիսոփայության պատմություն» աշխատության մեջ: Օգտագործելով Մատենադարանում պահվող բազմաթիվ ձեռագիր ու տպագիր նյութեր, նա տվել է հայ փիլիսոփայական մտքի սիստեմատիկ շարադրանքը՝ սկսած նրա ձևավորման շրջանից մինչև XVIII դարը ներառյալ: Նա մի առանձին ուսումնասիրություն է նվիրել նաև այսպես կոչված հայկական վերածննդին:

Վ. Չալոյանը մեծ ծառայություն ունի ոչ միայն հայ փիլիսոփայական միտքը Սովետական Միության և այլ ժողովուրդների սեփականու-

թյունը դարձնելու, այլև հայ փիլիսոփայական մտքի հուշարձանները հրատարակելու գործում: Նա անդրկովկասյան և միութենական բազմաթիվ փիլիսոփայական բանավեճերի ակտիվ



մասնակիցներից է: Զգալի է նաև նրա դերը փիլիսոփայական որակյալ կադրեր պատրաստելու գործում:

Հոբելյարին ողջունեցին ՀՍՄԻ ԳԱ հասարակական գիտությունների բաժանմունքի, պատմության, գրականության, հնագիտության և ազգագրության, արվեստի ինստիտուտների, Պետական համալսարանի, Վ. Բրյուսովի անվան ռուսական և օտար լեզուների ինստիտուտի, մարքսիզմ-լենինիզմի ինստիտուտի հայկական ֆիլիալի, Մատենադարանի և ռեսպուբլիկայի այլ գիտական հաստատությունների ներկայացուցիչները:

Երեկոյի վերջում շնորհակալական խոսքով հանդես եկավ հոբելյարը:

Լ. ՄԵԼՔՈՆՅԱՆ